

NR. 5

SEPTEMBER 1988

21. ÅRG.

FELLESMØTE I ARNA KYRKJE

4.-11. september



Emanuel Minos



Arne Gundersen og Egil Solheim

Møteaksjonen er eit fellestiltak mellom soknerådet, pinsemenigheten og frie evangeliske forsamling. Møte kvar kveld kl. 19.30 utanom måndag. Sjå nærare omtale side 13.

AV INNHALDET


Kor i kyrkjelydane	s. 3	Søndagsskular i Arna	s. 4
Hjemmenes dåpsring	s. 5	Grunnstein i kyrkjelydshuset	s. 6
Musikkprogram i kyrkjene	s. 8-9	Nytt frå Kyrkjelydane	s. 10
Nye konfirmanter	s. 11	Avgift på gravferder	s. 13
På veg til Afrika	s. 14		

SEND BORNA TIL SØNDAGSSKULEN!

Sjå side 4

Elska fiendane dykkar

14. s. etter pinse
Matt. 5. 43-48



«De har høyr det er sagt: Du skal elska nesten din og hata fienden din. Men eg seier: *Elska fiendane dykkar og be for dei som forfylgjer dykk så de kan vera born åt Far dykkar i himmelen. For han let si sol skina over vonde og gode og let det regna over rettferdige og urettferdige.*»

Vi veit at disiplane etter Jesu død vart forfylgde og måtte lida mykje, ja endå dør for di tru. Jesus hadde lært dei å elska fiendane sine. Han vart sjølv eit førebilete for dei då han på krossen bad: «Forlat dei for dei veit ikkje kva dei gjer». Det var ein tilgjevande kjærleik fiendane hans vart møtt med.

Har vi nokon som vi kallar fiendar? er det fredeleg og godt mellom oss alltid? Det er nok mykje strid og fiendskap mellom menneska. Jesus seier at vi skal vera heil-hjarta og gode slik Far i himmelen er. Vi ber i «Fader vår», ei bøn: «Forlat oss vår skuld som vi og forlet våre skuldmenn». Fyrst må vi sjå at vi sjølv treng tilgjeving, då er det kanskje lettare å tilgjeva vår neste. Vårt forhold til Gud har med korleis vi møter våre medmenneske, v. 45, «Så de kan vera born åt Far dykkar i himmelen».

Kjærleiksvegen viste Jesus oss. Han sa: fylg meg.

1. Kor. 13.5: «Kjærleiken gjer ikkje noko usømeleg, han søker ikkje sitt eige, har-mast ikkje, gøymer ikkje på det vonde». For å gå denne vegen må vi gjera som Jesus seier: Matt. 5.45: «... og be for dei som forfylgjer dykk». Bøna skaper noko godt i oss, difor er den så nødvendig.

Din fiende og du elske må
vil du fred i hjarta få.
Kristus gav seg sjølv til oss,
han måtte tåla hån og kross.
Kjærleiksvegen vi må finna
for himmelrik å vinna.

Sylvi Sæle



ARNA BARNEKANTORI

Ynskjer nye medlemmar velkommen

Øving: Onsdag kl. 17.00-18.30

Stad: Arna kyrkje

Dirigent: Asbjørn Flåm, organist.

Koret har nokre ledige plassar.

Dei som ynskjer å begynne, må ta kontakt med Arna kyrkjekontor for påmelding.


Adresse: Borgstova

5260 Indre Arna

Tlf. 24 02 15/24 04 00.

Ytre Arna barne- og ungdomskor

ynskjer gitar og jenter velkomen til eit nytt korår. Vi er tilsaman ca 30 medlemmer fordelt på 3 grupper. Dei som går i 2-4. klasse øver tysdagar kl. 15.30-16.30 og dei som går i 5. og 6. klasse øver tysdagar kl. 16.30-



Barne- og Ungdomskoret reiser på tur kvar vår, og dette biletet er frå Rikskyrkjefest- festen for barnekor i Molde i 1986, der ca. 1300 born frå heile landet var med.

17.30. Ungdomsgruppa, frå 7. klasse og oppover, øver måndagar kl. 18.30.

Første øvingsdag etter ferien vert måndag 29. og tysdag 30. august.


Kva skal vi gjera: Vi skal syngja av hjartans lyst, og vi skal læra litt om korleis vi skal bruka stemma vår rett slik at folk kan høyra at vi syng av hjartans lyst. Vidare skal vi syngja på konsertar og gudstenester. Den store oppgåva denne hausten vert å framføra julespelet «Gutten som englene sang om» av Egil Hovland, saman med Arna kyrkjes barnekor i Arna kyrkje søndag 11. desember. Dei eldste i koret, frå 6. klasse og oppover, skal få vera med på seminar om korsong og drama i Biskopshavn kyrkje 28-30. oktober.

Ytre Arna kyrkjekor

ynskjer gamle og nye medlemmer velkomne til å vera med i eit triveleg og lærerikt miljø. Vi øver tysdagar kl. 19.00 i kyrkja og fyrste øving vert 30. august. Vi skal denne hausten vera med Arna kyrkjekor og framføra «Pilgrimsmesse» av Egil Hovland. Ellers skal vi syngja på gudstenester, konsert på bedehuset og julekonsert. Kyrkjekoret vil og arrangera salmekveld med Eivind Skeie søndag 2. oktober, og Ungdomskonsert med Atle Halstensen og Per Brochmann 25. september. Vi vil gjerne ha med fleire, og ber alle som har lyst å vera med om å gjera alvor av dette og møta fram tysdag 30. august kl. 19.00

1020 dugnadstimar gjev resultat

GOD FRAMDRIFT FOR KYRKJELYDSHuset



Frå nedlegginga av grunnsteinen 17. august.

Sidan gravemaskinane starta 1. juni, har det vorte gjort mykje med Kyrkjelydshuset. Seks veker etter byggjestart kunne forskalinga rivast og grunnmuren stod ferdig. Godt organisert dugnadsarbeid og stor innsats frå deltakarane kunne gje eit så godt resultat. Om ein hadde leigt entreprenør til å ta grunnarbeidet, ville det knapt ha gått fortare.

Alt gjekk over alle forventningar, og det fine veret i denne tida, var nok og ei hjelp. Etter stogg i ferietida, står ein no framfor nye utfordringar. Målet er å få tett hus denne hausten, og det reknar byggjekomiteen som høgst realistisk. Dei har med glede merka seg den gode dugnadsinnsetsen, og ikkje minst arbeids glede og fellesskap som dugnadsarbeidarane har kjent. Både ungdomar og pensjonistar har utmerka seg med sin innsats.

Det sosiale samveret med matpausen kl. 19.30 har vorte populært, og arbeidet har vorte organisert slik at alle har noko å gjera.

Nedlegging av grunnstein

Onsdag 17. august var ca. 80 personar samla ved nedlegginga av grunnstein. Samlinga var ei fin markering av at arbeidet er i gang, og ramma rundt den var i store trekk slik bispemøtet har fastsett at det skal vera når det vert lagt grunnstein i kyrkjebygg. Det var salmesong, skriftlesingar, tale og bøn. Sokneprest Øyvind Øy la ned skrinet som inneheldt mellom anna historisk oversyn over planane for huset, teikningar, dagsaviser, kopi av artiklar om huset, dagens mynt og ein Bibel. Samlinga i kyrkjestova etter nedlegginga gav utfyllande orienteringar om det som var gjort og skulle gjerast vidare.

Kyrkjeverge Rasmus Skurtveit kom med helsing og gratulasjon med bygget.

Han hadde merka seg med interesse at det var konfirmantpresten hans, Einar Tesdal, som hadde kome med dei første skriftlege nedteikningane for å reisa eit kyrkjelydshus i 1971.

Han såg og fram til at kyrkjegardsarbeidarane skulle få skikkelege arbeidstilhøve ved dei lokala som kommunen skal leiga i huset.

Framdrifta vidare.

Ingmar Ljones gav som formann i byggjekomiteen orientering om det. I månads skiftet august/september vil reisverket koma, og då vil ein gå i gang med det arbeidet. Huset skal byggjast i hovudsak med dugnadsinnsetsen, og ein skal berre leiga inn fagfolk der det trengst. Det er for å få pengane til å rekkja så langt råd er. Økonominemnda har pengar nok til å få reist huset med tett tak. Når det gjeld det vidare arbeidet med innreing og inventar, vil det gå vidare i takt med dei midlar som kjem inn. Men før byggjestart vart 5 år nemnt som ei tid då alt bør vera ferdig. Men ein vonar å få det til før, om mange er med og gjev si støtte.

Dugnad for kyrkjelydshus

Det er bruk for dugnadsinnsetsen til alle slags oppgåver. Dessutan er dugnad med på å gjera folk betre kjent med kvarandre.

Meld frå til Arna kyrkjekontor om du kan tenkja deg å vera med.

Telefon: 24 04 00 eller 24 02 15.

Sei frå om du kan:

- 1) arbeida på dagtid ein eller fleire dagar i veka
- 2) arbeida på kveldstid ein eller fleire dagar i veka
- 3) arbeida på laurdagar

Dei som slik kontaktar kyrkjekontoret, vert kontakta tilbake.

Det er bruk for deg!

Klypp ut

Sendast: Kyrkjelydshuset, Boks 11, 5260 Indre Arna.

ØKONOMISK STØTTE TIL ARNA KYRKJELYDSHUS

Kryss av Eg vil støtta Kyrkjelydshuset på følgjande måte:

- EI DAGLØN kr. 500,- sendast postgiro 3 49 89 95 eller bankgiro 8440.21.04243
- GJEVARTENESTE. I første omgang for eitt år.
 - Kr. 100,- Kr. 200,- Kr. 300,- Kr. pr. måned.
- LÅN Eg ynskjer å ta opp lån i Fokus bank og gje pengane til Kyrkjelydshuset.

	Lånesum	10 års avdragstid	5 års avdragstid
<input type="checkbox"/>	Kr. 10.000,-	Kr. 190,- pr. mnd.	Kr. 265,- pr. mnd.
<input type="checkbox"/>	Kr. 15.000,-	Kr. 275,- pr. mnd.	Kr. 390,- pr. mnd.
<input type="checkbox"/>	Kr. 20.000,-	Kr. 350,- pr. mnd.	Kr. 510,- pr. mnd.

Arna dato namn

.....
adresse



ORGANISTEN PRESENTERAR PROGRAM FOR HAUSTEN

Arna Kyrkje

«SALMEKVELD»

Laurdag 1. oktober kl. 18.00

Medv. Eyvind Skeie, Arna kyrkjekor, dir. Asbjørn Flåm m.fl.

Denne kvelden får vi besøk av salmediktaren Eyvind Skeie. Han vil presentere nokre av sine salmar frå den nye salmeboka, og vil også komme inn på andre sider av sitt virke som forfattar.

I den nye salmeboka er Skeie representert med heile 23 salmar, 13 som han har forfatta sjølve og 9 som han har oversatt. Blant alle desse salmane kan nemnast nr. 72 «Bryt ut i sang!» og nr. 128 «Se, vi går opp til Jerusalem» som begge er kjente og kjære salmar for oss.

Av større verk ifrå Skeies hand kan nemnast syngespelet «Visst skal våren komme» og kyrkjemusikalen «Det gode landet».


Eyvind Skeie vil spesielt trekkje fram og gjennomgå «Det gode landet», da denne musikalen vil bli framført i slutten av oktober i Arna kyrkje.

Foruten Eyvind Skeie medverkar Arna kyrkjekor under sin dirigent Asbjørn Flåm m.fl.



Eyvind Skeie

Kyrkjemusikalen «DET GODE LANDET»



Gunnstein Drangedalen

Tekst: Eyvind Skeie. Musikk: Sigvald Tveit.

Laurdag 29. oktober kl. 18.00 Arna kyrkje

Søndag 30. oktober kl. 18.00 Årstad kyrkje

Arna barnekantori, Arna Ten-sing, Prosjektkoret.

Solistar: Tove D. Fossedal, sopran, Gunstein Draugedalen, baryton, Pål Bøe, guttesopran.

Samansatt orkester. Dirigent Asbjørn Flåm.

Kyrkjemusikalen «Det gode landet» er ein fortsetjing av syngespelet «Visst skal våren komme» som omhandla det kristne håp.

Når Jesus talar om himmelens rike brukar han ofte bilde av ein fest eller eit bryllaup.

«Det gode landet» er eit musikkspel som prøver å framstille noko av denne festens mange motiv: både den himmelske munterhet og kanskje også vemod.

Musikalen er eit samarbeidsprosjekt mellom Barnekantoret, Ten-Sing og Prosjektkoret.

Billetter vil bli lagt ut for førehandssalg i byrjinga av oktober månad.

JULEKONSERT

Søndag 4. desember kl. 19.00

Den tradisjonelle julekonserten går i år av stabelen 2. søndag i advent. Medverkande på denne konserten vert lokale aktørar.

Vi vil komme tilbake med nærmare omtale av denne konserten i kyrkjelydsbladet ut på hausten.



YTRE ARNA
KYRKJE

BARNEKONSERT

Søndag 11. desember kl. 18.00

Tredje søndag i advent introduserer vi ein eigen julekonsert for born.

Dette er ein konsert med born som aktørar og barne/voksne/familiar som tilhøyrarar. Blant medverkande kan nemnast Arna barnekantori og Ytre Arna barne- og ungdomskor som saman skal framføre bibelspelet «Gutten som englane sang om» av Egil Hovland.

«VI SYNG JULA INN»

Søndag 18. desember kl. 19.00

Fjerde søndag i advent samlar vi oss, både barn og voksne, i kyrkja og saman syng jula inn.

VER MED I KOR

Du er velkomen til kora i kyrkjelydane. Sjå meir om dette på side 3.

«PILGRIMSMESSE»

Ytre Arna kyrkje laurdag 5. november kl. 18.00

Arna kyrkje søndag 6. november kl. 19.00

Medv. Arna kyrkjekor, Ytre Arna kyrkjekor, Haus kyrkjekor, Instrumentalar. «Pilgrimsmessen» er ei gjennomkomponert nattverdgdusteneste for kor, menighet, messingblåsarar, orgel og liturg.

Messen er komponert av Egil Hovland og var eit bestillingsverk til Rikskyrkesongfesten i Arendal 1982.

Teksten er av Britt G. Hallqvist og er oversatt til norsk ved Eyvind Skeie.

I denne messen har komponisten henta innspirasjon i frå bedehusets musikktradisjon.

Som sluttningssalme finn vi songen «Å hvor salig å få vandre». Tidlegare stod den i melodiboka, men er no også komen med i den nye salmeboka.

Pilgrimsmessen vil i Arna kyrkje bli framført som ei nattverdsgudsteneste.

KONSERT

«Folketonar i ny klangdrakt»

Ytre Arna kyrkje

søndag 25. september kl. 19.00.

Per Brochmann, fløyter.

Atle Halstensen synthezeiser og orgel. Kombinasjon av orgel og trommemaskin og sequenser.

Kollekt.

SALMEKVELD

Søndag 2. oktober kl. 19.00.

Eyvind Skeie deltek. Sjå og programmet for Arna kyrkje.

PILGRIMSMESSE

Laurdag 5. nov. kl. 19.00

Sjå programmet for Arna kyrkje.

JULEKONSERT

Søndag 18. desember kl. 19.00.

NYTT FRÅ KYRKJELYDANE



Døpte

Arna sokn:

- 22.05: Catrin Langeland, døpt i Ådland kyrkje.
29.05: Andreas Lilleskare, Jan Olav Berg, Kristine Erdal Rødland, Anne-Birthe Brattåker, Maria Ystheim
31.05: Johanne Sørlie Næss, døpt i Evje kyrkje
12.06: Kristian Arnesen, Andreas Aarseth, Katrine Bjordal, Heidi Aakre, Christine Haglund
26.06: Annelene Torkildsen Larsen, Camilla Vik
10.07: Ken Sebastian Skage Vassdal, Kamilla Knapskog, Malin Knutsen Espeland.
31.07: Roy Håkon Holmboe Kaurin, døpt i Andenes kirke.
07.08: Aleksander Frede Pedersen, Ronny Bruknapp, Robin Gaarder

Ytre Arna sokn:

- 05.06: Bengt Veseth Rivenes
Rene Kleveland, døpt i Søreide kirke
19.06: Sandra Ingebrigtsen, døpt i Åsane kirke
26.06: Henriette Grøttå Økland, Stine Blindheim
03.07: Linn Alfild Nesttun, døpt i Birkeland kirke
07.08: Martin Henriksen



Vigde

Arna sokn:

- 28.05: Einar Olav Berg og Margrethe Mjelde, Thorleif Enger og Åse Wallem.
18.06: Ole Georg Askvik og Solfrid Morken, Ernst Ove Eide og Lillian Ueland
25.06: Steffen Mjelde og Vibeke Halvorsen, Bjarthe Fadnes og Benthe Elin

- Solberg, Lars Gunnar Taule og Eva Lundgren.
02.07: Leif Kurt Hatlem og Elisabeth Thunestveit, Kjell Ove Hatlem og Anne Brit Frøyen, Ove Brunborg og Bjørg Eli Hollund, Frode Hammersland og Tone Dalland.
07.09: Espen Erdal og Hilde Merete Løvskaar, vigde i Øystese kyrkje.
06.08: Olav Langesæter og Berit Rørbakken
13.08: Ulf Rasmussen og Janne Gro Nyheim, Johannes Ystheim og Linda Sulebakk.

Ytre Arna sokn:

- 21.05: Stig Lennart Gaupås og Gunn Beathe Haukeland, vigde i Arna kyrkje.
06.08: Espen André Jensen og Hilde Heland, vigde i Sortland kirke. Henning Kjærland og Eva Beate Kvamsdal, vigde i Strusshamn kirke.

† Døde

Arna sokn:

- 23.05: Johanna Helene Askeland, f. 1898
27.05: Johanna Bjørndal, f. 19.03
14.06: Elsa von der Ohe, f. 1911
21.06: Aagot Borge, f. 1907
28.06: Bertha Andrea Maria Boge, f. 1892
02.07: Ingeborg Tunes, f. 1918
14.07: Kari Hope, f. 1895
19.07: Sofia Halland, f. 1908
30.06: Sigurd Nesse, f. 1905
18.07: Ludvig Hatteberg, f. 1908
20.07: Kari Bertina Borge, f. 1901
20.07: Olga Eide, f. 1917
22.07: Konrad Johan Reknes, f. 1904
02.08: Sverre Thunes, f. 1909

Ytre Arna sokn:

- 07.06: Peder Presthus, f. 1905
22.06: Sofie Iversen, f. 1898
25.06: Emma Askeland, f. 1898
28.06: Solborg Kvalheim, f. 1931
03.07: Torkjell Bolstad, f. 1916

Kateketen har ordet



Erik Rodal

Nye konfirmanter

186 konfirmanter har i år meldt seg til konfirmasjonstiden i Arna prestegjeld.

Av disse hører 37 til Ytre Arna menighet og 149 til Indre Arna menighet.

Det betyr at her i Arna er det over 90% av det totale ungdomskull som melder seg på til konfirmasjon. Og det vil i realiteten si at et sted mellom 95% og 100% av de unge som står i Den norske kirke fremdeles velger å melde seg på til konfirmasjon. Konfirmasjonstiden gir oss derfor i virkeligheten en mulighet til å komme nesten all ungdom i menigheten i tale over et tidsrom på ihvertfall 8 måneder.

Og selv om ikke konfirmanter vel føler det slik tror jeg at vi bak alle andre motiver til å bli konfirmant også kan få regne med Guds kall og ledelse.

Alle våre konfirmanter blir slik et vitnesbyrd om at Gud virker i vår menighet og gir oss muligheter til å komme unge mennesker i tale.

Konfirmasjonens posisjon i vår menighet har vi derfor all grunn til både å takke Gud for og å være takknemlig for.

Presentasjonsgudstjenester

Ved begynnelsen av hvert konfirmantår blir konfirmanter presentert i kirken. Datoen for de forskjellige presentasjonsgudstjenestene er som følger:

Arna kirke:

4. sept. kl. 11.00:
Presentasjonsgudstjeneste for konfirmanter fra Indre Arna og Ådnamarka.

11. sept. kl. 11.00:

Presentasjonsgudstjeneste for konfirmanter fra Garnes og Tunes

18. sept. kl. 11.00:

Presentasjonsgudstjeneste for konfirmanter fra Lone, Espeland og Haukeland.

Ytre Arna kirke:

4. sept. kl. 11.00:

Presentasjonsgudstjeneste for konfirmanter fra Ytre Arna.

Trengereid kapell:

25. sept. kl. 11.00: Presentasjonsgudstjeneste for konfirmanter fra Trengereid.



Dåps søndagar

Det vert høve til dåp i kyrkjene desse søndagane:

Arna: 11.9, 25.9, 2.10, 23.10.

Ytre Arna: 25.9, 2.10, 23.10. (I Ytre Arna kan ein og ha dåp når det er nattverd: 11.9 og 9.10.)

Ofringane i kyrkjelydane

Arna sokn:

- 29.05: Santalmisjonenkr. 4.563.-
05.06: Kyrkjelydshusetkr. 2.022.-
12.06: Arna kyrkjelyds arbeid ...kr. 1.826.-
19.06: Norges Kirkesangerforbundkr. 1.044.-
26.06: Den norske Tibetmisjon..kr. 2.330.-
03.07: Internasjonalt Massemediainstituttkr. 1.200.-
10.07: Samemisjonenkr. 1.918.-
17.07: Kyrkjelydshusetkr. 5.596.-
24.07: Kyrkjelydsarbeidetkr. 582.-
31.07: Blå Korskr. 1.379.-
07.08: Den indre Sjømannsmisjonkr. 1.586.-
14.08: Kyrkjelydshusetkr. 2.111.-

Ytre Arna sokn:

- 29.05: Kristenrussen i Bergen....kr. 536.-
05.06: Den norske misjonsalliansekr. 1.985.-
12.06: Kristent innvandrerarbeidkr. 765.-
26.06: Kristent arbeid bl. blindekr. 770.-
03.07: Kirkens idrettskontaktkr. 470.-
10.07: Kirkens sosialtenestekr. 531.-
24.07: Kyrkjelydsarbeidetkr. 607.-
31.07: Amnesty International ...kr. 425.-
07.08: Kristelig kringkastingslagkr. 852.-

Trengereid:

- 24.04: Kyrkjelydsarbeidetkr. 1.285.-
17.05: Arna Søndagsskulelagkr. 823.-
27.05: Menighetsfakultetetkr. 570.-
19.06: Santalmisjonenkr. 556.-
14.08: Dronning Mauds Minne ..kr. 422.-

MØTE

ARNA BEDEHUS:

- 01.09: Torsdagsmøte kl. 19.30
- 15.09: Eldretreff kl. 17.00
- 16.09: Fredagssamling
- 18.09: Samlingsfest kl. 18.00.
Tale av disp. Gottfred Eriksen, sang av Musikklaget.
- 22.09: Torsdagsmøte kl. 19.30
- 23.09: Basar for N.L.M.
- 25.09: Møte for N.L.A. kl. 19.00.
- 29.09: Medlemsmøte
- 01.10: Ungdomskveld
- 02.10: Misjonsfest
- 04.-
- 09.10: Møteveke v/N.L.M.
- 13.10: Eldretreff kl. 17.00
- 18.-
- 23.10: Møteveke, tale v/Audun Hjellvik

YTRE ARNA BEDEHUS:

- 04.09: Samlingsfest og innvielse av nybygget.
Tale av Kåre Hellem
- 13,14,15
- og
- 18.09: Møte v/Santalmisjonen.

- 23.09: Høsttakkefest
- 09.10: Stor sang- og musikk-kveld kl. 18.00.
- 11.-
- 16.10: Møteveke v/Indremisjonen. Tale av Hellem og Nørstrud.

BETANIA, LONE:

- 03.09: Samlingsfest kl. 19.30. Tale v/Kåre Eikrem.
- 04.09: Møte v/Indremisjonen
- 08.09: Møte v/NLM
- 11.09: Møte v/NLM
- 15.09: Nattverdmøte
- 16.-
- 18.09: Santalmisjonshelg
- 17.09: Laurdagssamling kl. 16.00
- 24.09: Ungdomskveld kl. 19.30
- 25.09: Møte v/NLA
- 29.09: Møte v/BUF
- 02.10: Møte v/BUF
- 04.-
- 09.10: Bibelveke v/Mikal Landro
- 13.10: Nattverdmøte
- 16.10: Møte v/NLM

Vellukka innvandrarkveld

Ytre Arna sokneråd gjorde i vår vedtak om å ta eit initiativ for at innvandrane i Ytre Arna kunne få litt kontakt med dei som bur der. Resultatet til no vart ei innbyding til «Social evening» i Kyrkjelydshuset 14. juni. Der var dei vel 40 innvandrane innbedne, og samlinga var og kunnigjort som open for alle.

Res.kap. Sundsbø var leiar, og tolkete-nesta i Bergen kommune stilte med spansk-talande tolk. Men både engelsk og fransk vart og nytta for at alle kunne fylgja med.

Og innvandarane kom! Mest 100% oppslutnad av store og små. Godt frammøte var det og av andre.

I programmet vart det lagt vekt på at ein skulle verta kjende med kvarandre. Både Per spelemann og chilenske folkedansar vart framførde og store skåler med vaffel-røre vart steikt i løpet av kvelden.

Ein fin kveld var det, og tanken om fleire slike samlingar kom fram og vil nok verta arbeidd med vidare. Denne gongen var det innvandrarar som fekk smaka lefser og steika vaflar. Ein annan gong vil kanskje dei gje oss del i litt av sine tradisjonar.

Det er no mellom 40 og 50 asylsøkjjarar som bur i Ytre Arna. Dei fleste kjem frå Chile, og er no busett i «Arna Apartement» (tidlegar «Ungkaren»).

Harald Ulveseter pensjonist

Monrad Ulveseter sluttar 30. oktober som kyrkjetenar i Arna kyrkje. Stillinga vert lyst ut med det første. Han har vore kyrkjetenar her sidan 1971 og har før det mellom anna vore misjonær i Himalaya (India) og landssekretær i Den Norske Tibet-misjon.

Song- og musikk-treff for eldre

Organist Rolf Aardal i Laksevåg innbyr eldre til song- og musikk-treff i Laksevåg kyrkje søndag den 11. september kl. 15.30. Aardal har tidlegare vore to gonger i Arna på eldretreff i samband med Kyrkjelydsveka, og no ynskjer han eldre i Arna velkomne til å vera saman med dei i Laksevåg kyrkje.

Avgift for gravferder i Bergen

Bergen bystyre gjorde i desember 1987 vedtak om å innføra nye avgifter i samband med gravferder. Dette vedtaket er no godkjent og sett i verk frå 1. august 1988. For dei som ved dødsfallet er busett i Bergen kommune, vert avgiftene slik:

Betaling for urne	60,-
Leige av kapell/kyrkje	250,-
Graving av kistegrav	800,-
Graving av urnegrav	230,-
Kremasjonsavgift	550,-

Kommunen har tidlegare ikkje teke betaling for dette. Det kjem som eit tillegg til kostnadene som har vore før, og vert på vel 1000 kr. ved kvart dødsfall. Til vanleg vil dette verta betalt gjennom gravferdsbyråa til kirkeavdelingen i kommunen.

Vigsling av tilbygg ved Ytre Arna bedehus

I samband med samlingsfesten 4. september vert det vigsling av nytt tilbygg ved Ytre Arna bedehus. Tilbygget vert småsal og ungdomsløke i tilknytning til møtesalen, og kan slåast saman med denne når det trengst. Alt arbeidet har vore gjort på dugnad, og det har vore svært god innsats av dugnadsgjengen. Sekretær Kåre Hellem blir med på festen og skal vigsla tilbygget.

Stor sang- og musikk-kveld i Ytre Arna bedehus

Søndag 9. oktober kl. 18.00 vert det stor sang- og musikk-kveld i Ytre Arna bedehus. Det vert variert program med deltaking av Ytre Arna kyrkjekor, Rossland musikklag og Ytre Arna musikklag. Andakt av bibelskulelærer Odd Bjarne Skogestad.

FELLESMØTE I ARNA KYRKJE

Søndag den 4. september startar fellesmøta i Arna kyrkje. Talarar og songarar vert forkynnaren Emanuel Minos frå pinsemenigheten Filadelfia i Oslo og Arne Gundersen og Egil Solheim frå Den frie evangeliske forsamling.

Så langt vi veit er det første gongen det vert arrangert ein så omfattande felles møteserie i Arna, og vi ser med forventning fram til desse møta. Tidlegare har vi hatt fellesmøte på Bibeldagen, og det har vore fine og inspirerande samlingar.

Vi reknar med at det vert trangt om plassen i kyrkja dei dagane aksjonen varer. Mange kjenner desse forkynnarane frå møte andre stader, og for ei tid sidan var det og eit program med dei i fjernsynet. Det er difor mange som ser fram til å møta dei i Arna.

Møta vert førebudde av ein komite som er ansvarlege for opplegget, men vi er avhengige av støtte og forbøn, og vi oppmodar difor alle om å vere med å førebu aksjonen i bøn.

Vi har fått brei støtte for denne aksjonen i kyrkjelyden, og vi vonar den vil gje positivt resultat for arbeidet i Guds rike i Arna. Fellesmøta varer frå 4.-11. september.

Møte kvar kveld kl. 19.30 unnateke måndag 5.9. Bønemøte i Kyrkjestova kl. 19.00.

50-års konfirmantar

Også dette året innbyr sokneråda til samling for dei som vart konfirmerte for 50 år sidan. Datoen for dette er 5. oktober. Dei møtest til gudsteneste kl. 11.00 og har god tid til å vera saman etterpå. Det har vorte populære samlingar som deltakarane har sett stor pris på.

Eldretreff på Flatane

Eldretreffa i Trygdebustaden på Flatane tek til att fredag 9. september kl. 17.00. Alle eldre er velkomne.

PÅ VEG TIL AFRIKA



Målfrid
Sandvik

I disse dagar set Målfrid Sandvik seg på flyet til Afrika.

Første tida skal ho vera i Ngaundere i Kamerun. Etter eit års språkstudium i Frankrike for å læra fransk og lingvistikk-kurs denne sommaren, tek ho no fatt på å læra fulani, som ho og skal nytta i arbeidet sitt. Denne hausten går med til dette. Først 2 månaders kurs i Ngaundere og seinare utplassering mellom dei som snakkar dette språket.

- Kor lenge skal du no studera språk?
- Denne gongen vert det 6 månader. Deret-

ter vert eg plassert som skulemisjonær i Mbe. Der er tilhøva noko meir enkle enn i Ngaundere og vi får t.d. berre elektrisk straum frå eit aggregat 2 timar kvar dag.

- Kva vil arbeidet ditt då vera?
- Som skulemisjonær skal eg ha kontakt med kristendoms lærarar i kyrkja sine skular. To distrikt skal vera mitt arbeidsområde, og difor vert det noko reising. Korleis vegane er, veit eg ikkje så mykje om enno. Ellers kjem eg nok til å ha noko undervisning sjølv. Det kan verta dåpsklassar, konfirmantklassar, kvinneklassar og kanskje og kristendomsundervisning for dei som går på staten sine skular og ynskjer det i tillegg.
- Og no har du pakka og er klar til å reisa?
- Ja, det meste er sendt avgarde. I Ytre Arna fekk eg tak i 6 tønner som eg har pakka fulle og sendt med båt. 2. september reiser eg med fly frå Flesland via Paris og til Afrika.

Og vi ynskjer henne god tur. Og Kyrkjelydsbladet vil og fylgja henne vidare med rapportar og glimt frå arbeidet i tenesta innan Det Norske Misjonsselskap der. Og ho synest og det vil vera hyggeleg å få brev frå Arna. Adressa er:

Målfrid Sandvik,
B.P. 6
Ngaundere
Cameroun.

ARNA PRESTEGJELD

Kyrkjekontoret Indre Arna, Borgstova: Tlf. 24 04 00 og 24 02 15.

Kontortid: Tysdag, onsdag og fredag kl. 10.00 - 11.30
Torsdag kl. 17.30 - 19.00.

Kyrkjekontoret Ytre Arna, Kyrkjelydshuset, P. Jepsensv. 39: Tlf. 24 85 46.

Kontortid: tysdag kl. 17.00 - 18.00.
onsdag og fredag 10.00 - 11.30.

Kyrkjegardane i Arna. Tlf. 24 05 69. Kontortid: Månd. - fredag 10 - 11.

BLOMSTER

til enhver anledning!
Ring vår blomstertlf.

24 25 95

 a.s. Darepta

5260 Indre Arna

I MIN FORRETNING

finn De gaver til bryllup, konfirmasjon og barnedåp.



5260 Indre Arna — Tlf. 24 04 96

Solstrands Blomsterforretning

Hollendergt. 4, tlf. 32 55 50

Solstrand Begravelsesbyrå

Herm. Fossst. 11, tlf. 32 55 50

Alltid til tjeneste

Kranser Bårebuketter Espeland Gartneri

5230 ESPELAND, TLF. (05) 24 08 09

ARTHUR HOPE

Banken i Arna frå 1866

SPAREBANKEN



- til bygdefolket sitt beste

Skal det vera TV - Elektrisk - Belysning.

Hugs at vi har lavaste pris,
og det De kjøper her
kan De få reparert her.

ARNA ELKJØP A/S

Arnatveit - telefon 24 19 70

Vi er tilsluttet landets største
kjede av elektriske forretninger
EL-KJØP

FOKUS Bank

Banken i Arna - for Arnafolk,
der alle kundar, store og små,
er hjarteleg velkomne.

FOKUS BANK
avd. Arna

ESPELAND BEGRAVELSESBYRÅ

Telefon 24 08 08

Begravelser og bisettelser ordnes.

Transport med egen bil.

Annonser, sanger, sløyfer.

Monumenter besørjes oppsatt.

DU KAN LEIE HENGERE HOS OSS!

Vi har hengere for

Bil - Båt og
varetransport



ARNATVEIT AUTO SENTER

TLF. 24 07 40

Utlevering også fra Blomsterdalen
ved J.B. Myklestad.

Velkommen til kyrkje

- Sept. 04.:** 15. s. etter pinse. Salme 103, 1-6
Arna kl. 11.00. Sokneprest Øy og kateket Rodal. KONFIRMANTPRESEN-
TASJON. Søndagsskole. Takkoffer til kyrkjelydsarbeidet.
Ytre Arna kl. 11.00. Res.kap. Sundsbø. KONFIRMANTPRESENTASJON.
Takkoffer til kyrkjelydsarbeidet.
- Sept. 11.:** 16. s. etter pinse. Luk. 10. 38-42
Arna kl. 11.00. Res.kap. Sundsbø og kateket Rodal. KONFIRMANTPRE-
SENTASJON: Takkoffer til Kyrkjelydsarbeidet. Søndagsskole.
Ytre Arna kl. 11.00. Sokneprest Øy. Nattverd. Takkoffer til Hvite Bånd.
- Sept. 18:** 17. s. etter pinse. Luk. 7. 11-17
Arna kl. 11.00. Sokneprest Øy. Nattverd. Takkoffer til Santalmisjonen. Søn-
dagsskole.
Arna kl. 19.00. Sokneprest Øy og kateket Hugsvær. KONFIRMANTPRE-
SENTASJON. Takkoffer til Kyrkjelydsarbeidet.
- Sept. 25.:** 18. s. etter pinse Luk. 13. 10-17.
Arna kl. 11.00. FAMILIEGUDSTENESTE. Redaktør Finn Jarle Sæle. Søn-
dagsskulens dag. Takkoffer til Bergen søndagsskulekrins.
Ytre Arna kl. 11.00. FAMILIEGUDSTENESTE. Res.kap. Sundsbø. Søn-
dagsskulens dag. Takkoffer til Bergen Søndagsskulekrins.
Trengeid kl. 11.00. FAMILIEGUDSTENESTE: Kateket Rodal og Bård
Heradstveit. Takkoffer til Bergen Søndagsskulekrins.
Unneland kl. 16.30. Res.kap. Sundsbø. FAMILIEGUDSTENESTE. Søn-
dagsskulens dag. Takkoffer til Bergen søndagsskulekrins.
Ytre Arna kl. 19.00. Konsert.
- Okt. 02.:** 19. s. etter pinse. Mark 10. 17-27.
Arna kl. 11.00. Sokneprest Øy. 50-års konfirmantane innbedne. Takkoffer til
Kyrkjelydshuset.
Ytre Arna kl. 11.00. Res.kap. Sundsbø. 50-års konfirmantane innbedne.
Takkoffer til Kyrkjelydsarbeidet. Ytre Arna kyrkjekor.
Ytre Arna kl. 19.00. Salmekveld. Eyvind Skeie.
- Okt. 09.:** 20. s. etter pinse. Joh. 9. 1-7 + 35b-38.
Arna kl. 11.00. Sokneprest Øy. Nattverd. Gudsteneste for eldre. Takkoffer til
Norges Kristelige Student- og Skoleungdomslag.
Ytre Arna kl. 11.00. Gudsteneste. Nattverd. Takkoffer til Norsk Lærerakade-
mi.
- Okt. 16.:** 21. s. etter pinse. Mark 10. 13-16.
Arna kl. 11.00. Gudsteneste. Nattverd. Takkoffer til Norsk Lærerakademi.

KYRKJELYDSBLAD FOR ARNA

Utgjevar: Sokneråda i Arna, boks 11, 5260 Indre Arna.
Redaksjonsnemnd: Sylvi Sæle, Ragnhild Rein, Hilde Rohde.
Harald Sundsbø, Laila Ueland.
Forretningsfører: Bjørg Hellesø.
Bladpengar: kr. 30,-. adr: Kyrkjelydsblad for Arna, 5260 Indre Arna.
Postgiro nr. 8 10 44 45 eller bankgiro 8440.21.01856
Trykt av Grafisk Forum AS, Ytre Arna.

Frist for innlevering av stoff til nr. 6: 23. sept.